

[www.BibleForChildren.org](http://www.BibleForChildren.org)

# Mateo 8



Ganang iketlung eldew, maya bulun dut lungsud et Kana dut probinsiya et Galilea. Na, duntin indu' i Jesus. Si Jesus beke' kenyeng pepengenanar dinangin gasi dut pegbulunan.



Na ganang kinabus et inumen neng alak, negsugid indu' i Jesus kenye, kwan ye, "Kaya ne inumen." Negsugid gasi indu' ye dut mengine' tetehagen, kwan ye, "Ibuta' myu ba' enu sugiren ye dimyu."



Negsugid si Jesus dut menge' tetehagen,  
"Behani' myu et danum." Na, ampa' dye  
binaha ginsan seked dut baba'. Pegketbes,  
sinugid i Jesus kedye, "Na tiban sumeuk  
kew, bita' myu dut mengengerigra dut  
pegkenkaanan." Angkansa  
nememibit dye.



Ganang netimtiman et mengengerigra dut  
pegkenkaanan ating danum na negmendyaring  
inumén neng alak.

Na diki ye nesewaran  
ba' embe mawa' et  
ating inumen, segwa'  
nesewaran et munge'  
tete hagen na  
nemeneuk et  
danum in.




Pegketbes, tiningkag ye lelaki neng pegbubulunen.  
"Na," sinugid ye kenye. "Misan sinu, meguna  
pepelamak et menunungang  
alak. Indyari, ganang  
kela' ne neinum et  
menge' taaw, mura  
megpelamak et  
sumirib-sirib neng  
inumen. Segwa'  
pinemuri myu  
pinekemenungang  
alak seked  
tiban."



Itue una-una et minge' tenda' na kelilu'lilu' na binwat  
i Jesus. Binwat ye itue dut lungsud  
et Kana na dut probinsiya  
et Galilea.





Na untin pinebunayag ye ketaasan ye. Sumampay  
menge' pepengeneran ye  
nemengandel kenye.



Pegduntin i Jesus dut benwa i Pedro,  
nebiri' ye pengibanan neng libun i Pedro.  
Pebubuntul sabab et pegegnen.



Pegketbes na mekeptan i Jesus keremut ye,  
megtuy inibuanan et egnaw ye, ampa' ne negbangun,  
pegketbes ya ne negpelamak kenye et kekanen.




Ganang megurisarem ne binibit ki Jesus ginsan taaw  
neng tegesakit sampay munge' negbegbalig.

Kisek mamin-amin  
menge' taaw et ating  
lungsud negtimung  
dut lelengewan et  
pegeldengan i Jesus.



Pinenunga ye munge' sekiten et mekansang taaw  
beke' pineugad ye munge' meyaat neng nakem.  
Kaya pinebres ye meyaat neng  
nakem sabab kilala dye ya.




Ginsa't munge' taaw pemengutew dut ki Jesus,  
sabab maya basag megliwan teyeg dut kenye,  
angkan ginsan dye pemegulinan.



Ganang pegsusugid ye kedye Menungang Abar pasal et Empu', maya munge' taaw nemengdateng megbibibit et sembatung lelaki neng pangkul. Pegpepsanen ya et epat neng kelelekian.



Kaya mekepekabi' dye ki Jesus  
sabab et mekansang taw, angkansa,  
linsutan dye sapew dut entek  
i Jesus. Tinuntun dye  
lelaki neng pebubuntul  
et igaan ye.




Ganang nebiri' i Jesus kineradya dye pasal et  
pengarap dye kenye sinugid  
ye dut lelaki neng  
pangkul, kwan, "Yegang,  
mapen ku munge'  
keselaan mu."  
"Teyeg ne. Bitas  
igaaan mu beke'  
uli' ne.' "




Pegketbes nemenakat ne i Jesus dut gubang, sampay  
menge' pepengenaran ye naya' kenye.

Kiminlat lang na maya  
diminateng mebasag neng  
ambun dut dagat,  
angkansa derekerang  
gumbang pegsipuwakan ye  
gubang. Segwa' si  
Jesus megiga' ga et  
ating masa.




Neingkut i Jesus kedye, kwan ye, "Manu megtakut  
kew? Isek-isek dimyung pegandel." Indyari,  
tuminyeg gasi ampa' pinetaren ye deres beke' dagat.  
Na limininew banar ne ginsan.  
Nemeglilu' munge' taaw,  
kwan dye, "Sinung taaw itue?  
Misan deres sampay  
dagat pengandel  
kenye."



Sabab mekasi  
banar Empu' eset mengine' taaw atue't  
sengkedunyaan, ne binggey ye kenyeng  
bugtung na Yegang supaya isimaya',  
supaya sebarang mengandel kenye  
diki lang metiksa' dut Narka',  
segwa' maya biyag na' kaya  
seskeran dut elepan  
et Empu'  
Banar.



40



60



Roma 3:23 Sabab ginsan negkesala' beke' diki nekeapet dut ketaasan et Empu'.

Roma 6:23 Sabab kebeyaran et keselaan kepeteyan, segwa' ating bebgey et Empu' biyag ne kaya seskeran dut pekikisembatu ki Kristo Jesus na Begerar tyu.

Hebreo 9:27 Tinimpuan taaw kasa ga matey, pegketbes atin dumateng ating pegukum et Empu'.

Epeso 2:8,9 Sabab eset redyiki' et Empu', atin ne angkan nepuwas kew ganang nengandel kew ne ki Kristo. Sabab lein lang itue punsabab eset dimyung pegkeredyanen na kemyu mepuwas, temed erapun itue begey dimyu mawa' et Empu'. Kaya misan sinu megmeabbu sabab nepuwas kew itue lein lang eset dimyung keradya.



Roma 10:9,10 Ba' ipesebanar mu ne, kwan, "Si Jesus, atin Begerar ku" beke' mengandel ke dut atey mu na ya binyag et Empu' teyeg et kepeteyan, mebawi' ke. Sabab pengandel ke pebiya' dut pusu' angka pinepantun ke et metigna' dut pemiri' et Empu', beke' pepebnar ke gasi na si Jesus atin Begerar mu pebiya' dut baba' mu angka nebawi' ke

Juan 3:16,17 Sabab mekasi banar Empu' eset menge' taaw atue't sengkedunyaan, ne binggey ye kenyeng bugtung na Yegang supaya isimaya', supaya sebarang mengandel kenye diki lang metiksa' dut Narka', segwa' maya biyag na' kaya seskeran dut elepan et Empu' Banar. Sabab diki lang pinelusu et Empu' kenyeng yegang supaya ukuman apang dusaen menge' taaw atue't sengkedunyaan, imbes supaya puwasen ye menge' taaw mawa't keselaan dye.



## 1 Juan 5:11-13

Indyari itue ne pesebanar: Dinuul ne kityu et Empu' biyag na kaya seskeran beke' biyag ne itue meterima tyu lang pebiya' eset Yegang Ye. Sebarang pegtetegan et Yegang et Empu' in, maya biyag na kaya seskeran. Segwa' sebarang diki pegtetegan et Yegang et Empu' in, kaya biyag eset kenye. Pegsuraten ku itue dimyu apang mesewran myu na kemyung mengengandel dut Yegang et Empu' in maya biyag na kaya seskeran.



Mateo 8-9; Markus 1-2, 4; Lukas 4, 8; Juan 2

Storyline by: Edward D. Hughes

Illustrated by: Byron Unger, Lazarus,  
and Alastair Paterson

Adapted by: E. Frischbutter, Sarah S.

Palawano, Brooke's Point NT (plw) © 2018,  
Wycliffe Bible Translators, Inc. All rights reserved.

<https://live.bible.is/bible/PLWWBT/MAT/1>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

